



MINNISBLAÐ

Viðtakandi: Skóla- og frístundaráð

Sendandi: Helgi Grímsson, sviðsstjóri skóla- og frístundasviðs

Efni: Ráðning leikskólastjóra í Hraunborg

Starf leikskólastjóra í Hraunborg var auglýst á vegum Reykjavíkurborgar til umsóknar á vef borgarinnar undir auglýsingum um laus störf og í Fréttablaðinu 18. apríl 2020 í samræmi við 2. gr. í fylgiskjali 4, um réttindi og skyldur starfsmanna Reykjavíkurborgar í kjarasamningi LN og KÍ vegna FSL. Umsóknarfrestur var til og með 4. maí 2020 Ráðið verður í leikskólastjórastöðuna frá og með 1. júlí 2020.

Í auglýsingu var meginhlutverki leikskólastjóra í Hraunborg lýst þannig:

- Vera faglegur leiðtogi leikskólans og móta framtíðarstefnu hans innan ramma laga, reglugerða, aðalnámskrár og stefnu Reykjavíkurborgar.
- Bera ábyrgð á daglegu starfi í leikskólanum.
- Skipuleggja foreldrasamstarf í samvinnu við foreldra og starfsmenn.
- Hafa yfirumsjón með innra mati á starfi leikskólans og umbótaáætlunum.
- Hvetja til þróunar og nýbreytni í leikskólastarfi.
- Stýra rekstri leikskólans á grundvelli fjárhagsáætlunar.
- Bera ábyrgð á starfsmannamálum, svo sem ráðningum, vinnutilhögun og starfsþróun.
- Skipuleggja tengsl skólans við ýmsa samstarfsaðila.

Í auglýsingu um starfið voru eftirfarandi menntunar- og hæfniskröfur gerðar til umsækjenda:

- Leyfisbréf til kennslu á leikskólastigi.
- Viðbótarmenntun í stjórnun eða kennslureynsla á leikskólastigi.
- Reynsla af stjórnun æskileg.
- Stjórnunarhæfileikar og vilji til að leita nýrra leiða.
- Þekking á rekstri, áætlanagerð og fjármálastjórnun.
- Lipurð og hæfni í samskiptum.
- Sjálfstæði og frumkvæði.

Óskað var eftir að umsækjendur skiluðu greinargerð um framtíðarsýn sína á starf í leikskólanum með umsókninni.

Fimm sóttu um leikskólastjórastöðuna en einn umsækjandi dró umsókn sína til baka.

Niðurstaða:

Þann 20. maí 2020 gerði fagstjóri leikskóla í Breiðholti sviðsstjóra skóla- og frístundasviðs grein fyrir niðurstöðu ráðningarteymisins. Við mat á umsókn, ráðningarviðtali og umsögnum var niðurstaðan að Sigríður Fanney Pálsdóttir væri hæfust til að gegna stöðu leikskólastjóra í Hraunborg.

Ákvörðun sviðsstjóra er að ráða Sigríði Fanneyju Pálsdóttur leikskólastjóra við leikskólann Hraunborg frá 1. júlí 2020.

Sigríður lauk BS í leikskólafræði frá Háskóla Íslands 1998. Hún lauk MBA námi frá Háskóla Íslands 2014.

Sigríður hefur starfað sem deildarstjóri í leikskóla í 12 ár, atferlisþjálfari í 1 ár og aðstoðarleikskólastjóri sl. 3 ár. Sigríður hefur góða reynslu sem stjórnandi og hefur sýnt frumkvæði og faglegan metnað í störfum sínum. Sem aðstoðarleikskólastjóri sýndi hún góða stjórnunarhæfileika og sjálfstæði í vinnubrögðum og hæfni hennar og stjórnunarhæfileikar eru staðfest af umsagnaraðilum.